



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

Dvb. 1. Quid sit pietas, & quæ eius officia.

[urn:nbn:de:hbz:466:1-72459](#)

SECTIO SEPTIMA.

DE RELIQVIS VIRTVTIBVS
IVSTITIÆ ANNEXIS,
IN QVIBVS EST RATIO DEBITI
LEGALIS, VEL MORALIS.



LLAE virtutes dicuntur esse annexæ Iustitiae, eiusque veluti partes quædam, in quibus cernitur quidem aliquod debitum ad alterum; tamen illud vel est adeò magnum, ut illi non possit satisfieri ad equalitatem; vel est ita paruum, ut non inducat obligationem legalem strictam, sed solum mordet, quæ ex quadam honestate virtutis procedit: estque talis, ut nisi illi satisfiat, honestas morum conseruari non possit, vel non commodè decorè possit. vide D.Thomam qu.80. art. unico. Prioris generis sunt, Primò, Religio. Secundò, Pietas. Tertiò, Obseruantia. Quartò, Obedientia, que est pars obseruantiae. Posterioris, Primò, Gratitudo, Secundò, vindictatio. Tertiò, Veritas, cui opponitur mendacium & hypocrisis; iactantia & ironia. Quartò, Amicitia, cui opponitur adulatio & litigium. Quintò, Liberalitas, cui opponitur avaritia & profusio. Sextò, Emēneia seu Aequitas. De Religione iam dictum est, de ceteris nunc breviter dicendum, ut singularum ratio conflet. Fusor tractatio non est necessaria, quia pleraque difficultates alius locis sparsim sunt tractatae. Itaque hec Seçtio continebit duo capita. Prius erit de virtutibus prioris generis. Posterioris de illis, quæ sunt generis posterioris.

CAPUT XLVI.

De reliquis virtutibus Iustitiae annexis, in quibus est debitum legale.

Constat 6. Dubitationibus.

DUBITATIO PRIMA.

Quid sit pietas, & qua eius officia.

D.Thomas quest. 101.

I
Pietas pro religione.

NOTANDVM est, hoc nomen accipit tripliciter, ut colligitur ex D. Augustinolib. 10. de Civit. c. 1. Primo, ut sit idem quod Græcis ιεραι & θυσιαι; & sic non distinguatur à religione, & idem est esse pietatem, quod esse religiosum, seu cultui diuino addicatum. cumq; omni opere bono Deus dicatur coli, iuxta D. Augustinum & Scripturæ phrasim,

omne opus bonum dicitur opus pietatis. Hoc modo accipitur passim in Scripturis, vt 1. ad Tim. 4. Exerce te ipsum ad pietatem, pietas (θυσίαι) ad omnia utilia est, promissionera habens vitæ, qua nunc est, & futura. ubi nomine pietatis videtur intelligere studium internæ devotionis, & sincerum affectum erga Deum & proximum: opponit enim illam corporali exercitationi, quæ consistit in multis ieiuniis, vigiliis, labore manuum, aliisque corporis affli-

afflictionibus, ut recte exponit Anselmus. Eodem modo sapientius accipitur in eadem epistola; & Isaiae 11. *Spiritus scientie & pietatis.* 2. Machabaeorum 12. *Qui cum pietate dormierunt.* & alibi sapienter. Hinc cultores Dei passim vocantur *pij*: idololatras & peccatores, *impj*: quod nomen maximè in aethos competit, qui diuinitatem & omnem ~~deum~~ tollunt.

² Secundò, Accipitur pro misericordia, seu benigno affectu, præsertim erga filios opis nostræ cœgentes. hoc modo pietas iepè tribuitur Deo; vt quando dicitur *pius Pater, pius Saluator, Ecclesiasticus.* 2. *Quoniam pius & misericors.* 2. Paralip. 30. *Pius enim & clemens est Dominus, ubi Græcè est εὐτήπον,* quod misericordiam significat.

³ Tertiò, Pro speciali virtute, qua colimus parentes, tamquam vite & educationis nobis secundum Deum autores. hoc modo accipitur hic à diuo Thoma, & definitur à D. Augustino libro 83. qq. q. 3. ex Cicerone hoc modo: *Pietas est per quam sanguine sicutis patriæque benevolis, officium & diligens tribuitur cultus.*

Vbi notandum est, pietatem Primo & principaliiter respicere Parentes, quia hi post Deum sunt præcipui autores ortus & educationis. Secundo, Patriam, quia etiam patria aliquo modo est principium ortus; tum quia parentes fouet, tum quia opportuna ad ortum & educationem suggerit. *patriam* voco oppidum, vicum, Provinciam cum habitatoribus suis. Tertiò, Alios consanguineos; non quod illi sint ortus principium, sed quia in illis quodammodo representantur nobis parentes, qui mediata vel immediate nobis sunt ortus principium. ob eamdem rationem potest etiam extendi ad liberos & ad vxorem; quia in liberis representantur nobis parentes nostri, & vxor est instrumentum per quod natura à parentibus accepta in posteris derivatur. tamen in praxi vimur hac consideratione: filios enim diligimus & honoramus tamquam aliquid nostri; quia sunt veluti pars à nobis decisa, in qua natura nostra conseruetur. itaque nosipos potius, quam parentes nostros in illis intuemur & curamus: vxorem vero, quia una caro nobiscum, & quia adiutrix ad procreationem liberorum, & ad omnia vita subsidia. Nihilominus tamen, quia in his consideratur coniunctio sanguinis & naturæ, recte à Cicerone & D. Thoma hi affectus ad pietatem referuntur; quæ generatim ad omnes propagine coniunctos pertinere dicuntur.

⁴ Notandum Secundò, Rationem, quam pietas in suis obsequiis principaliter respicit, esse debitum illud, quod habemus erga parentes & erga patriam, quatenus sunt nobis principium ortus & educationis, (quæ etiam bonam institutionem complectitur) quod debitum, præsertim erga parentes, tale est, ut exhaustire illud nequeamus, reddendo illis aequivalentia, iuxta Aristotelē. quod intellige, in eodem rerum ordine, & obsequiis ordinariis: nam beneficium à parente & etiam à patria acceptum, obsequiis supernaturalibus vel extraordinariis compensari & etiam vinci potest: vt si filius conuerterat parentem & patriam ad fidem Christi, vel si vitam pro eorum liberatione exponerat. quæ de re vide disputationem apud Senecam lib. 3. de beneficiis cap. 34. & 35. vbi ostendit, beneficium patrum à filio etiam vinci posse. Hoc tamen non soluit filium obligatione naturali, quia

patri obstringitur; quia semper manet filius. Adeo, debitum illud, quo peculiariter patriæ nostra praे reliquis Provinciis vel locis obstricti dicimur ratione beneficij ortus, non esse ita magni momenti; ut pulchre ostendit Lipsius in sua *Constatia* c. 11. quia hoc beneficium potius est astrarorum & elementorum quam angusti natalis soli. Hinc videmus viros sapientes vulgarem illum partæ affectum non magni fecisse; quasi non hic vel ille vicus, aut oppidulum aliquod patria sit, sed mundus totus. quia tamen communia elementorum & celorum beneficia ad nos non nisi per loca, quæ incolimus, perueniunt, non est, ceteris paribus, hic affectus patriæ omnino contemnendum.

Ex dictis colligi potest Primo, Quod sit obiectum quod, & obiectum cui, & ratio formalis obiectus. Obiectum na huius virtutis; quæ tria, sicut in omni virtute quod, & ad Iustitiam pertinente, ita etiam in hac reperi ratio cui, & ratio formalis debent. Obiectum enim quod huius virtutis est cultus, & obsequium externum, ad quod hæc virtus ordinatur. actus enim externus virtutis habet se per modum obiecti respectu actus interni, & consequenter respectu ipsius habitus. Nec obstat, quod idem actus sit opus eiusdem virtutis; quia virtutes operatius faciunt suum obiectum; & in eo distinguuntur à speculatoriis, quia illud supponunt, non faciunt. Deinde non est opus virtutis immediate à virtute eliciti; hoc enim non potest esse obiectum; sed imperatum & productum mediante alia potentia, cui operi non repugnat esse obiectum virtutis imperantis. consistit autem hic ^{Quis cul- tibus parentibus debet eu.} cultus partim in honore parentibus suo tempore & loco deferendo; partim in necessariis vita subfidiis præbendis, quando ea aliunde non habent, vt si capti sint ab hostibus, liberentur; si egestate laborent, sustententur; si pressi mortore, recrecentur; vt colligatur Matth. 15. In quem locum vide Hieronymum & D. Thomam art. 2. cùm enim ipsi nobis sint causa vita & educationis, tenemur vicissim Iure naturali cuiusdam gratitudinis, illorum vitam & statum, si in periculo veretur, quantum in nobis est, conseruare. alioquin indignus est vita, qui vita sua auctorem negligit: sicut è contrario dignus, qui fouet. vnde in Lege promittitur longævitatis illis, qui parentes honorant. Neque solùm hæc naturalia obsequia continet ille cultus, sed etiam supernaturalia, quibus inveniuntur ad salutem: nam etiam hæc illis præ ceteris debentur.

Obiectum cui sunt parentes & consanguinei, patria, & patriæ benevoli: pietas enim cultum defert parentibus, tamquam vite antitoribus, & propter patriæ parentes alii consanguineis, quia in ipsis parentum sanguis existit; deinde patriæ, & propter patriæ socii, & patriæ federatis. Sicut enim consanguinei honore & obsequio digni sunt, quia parentes in ipsis quodammodo conspicimus; ita benevoli patriæ, quia in ipsis favorem & auxilium patriæ conspicimus.

⁷ Ratio formalis obiectum potest considerari vel in obiecto quod, vel in obiecto cui. In obiecto quod nihil est aliud quam ratio debiti: hæc enim non solùm inest, sed ex parte subiecti, sed etiam obiecti in Iustitia partibus. In obiecto cui est ratio principij ortus nostri, quæ rationes ita se habent, ut altera alteri subordinata sit. Ideo enim pietas præstet cultum & obsequium parentibus & patriæ, quia hoc illis est debitum; ideo autem est debitum, quia ipsi

*Pietas ge-
neratim ad
omnes san-
guine in-
hos perci-
nit.*

*Debitum
quod pietas
intetur.*

ipso sunt principium ortus. vnde hæc est prima ratio obiectiva, quam hæc virtus mediate respicit. ab hac autem altera illa, (nempe ratio debiti) quam respicit immediatè, speciem accipit. vnde etiam hæc virtus ab eadem speciem habet, et si mediate, habet igitur speciem ab utraque ratione obiectiva, ab altera mediate, ab altera proximè. Idem cernitur in aliis Iustitia partibus, vt suprà cap. 2. dub. 1. num. 7. dictum est.

Vtrum autem filius aliquando propter officium pietatis impediatur ab ingredienda Religione, vel li ingressus sit, tenetur egredi, dictum est suprà cap. 4. dub. 3. vide D. Thomam q. 101. art. 3.

⁸ Colligitur Secundò, Hanc virtutem meritò sibi primum locum post religionem vindicare; quia parentes sunt veluti secundarij quidam dij respetu filiorum, tamquam secundaria principia efficièt, virtù & doctrina. vnde representant filii quodammodo ipsum Deum, qui est primarius & summus omnium parens. Hinc fit vt post præcepta primæ tabulae, quæ ad cultum Dei pertinet, primum secundæ tabulae sit de honore parentibus exhibendo. Hæc tamen intellige, considerato statu hominis naturali, & intra limites legis nature; nam in ijs, quæ ad statum supernaturalem pertinent, parentum non est illa auctoritas.

⁹ Vnde qua dicta sunt in parentes carnales, accommodari possunt cuidam virtuti, quæ respicit debitum, quod parentibus spiritualibus (qui nobis secundum Deum sunt auctores vita spiritualis, per quam sumus Christiani vel Religioli) debemus, quæ etiam pietas dici potest, sicut illi parentes dicuntur: non enim his minus debetur, quam parentibus carnis, quia ab illis naturæ diuinæ communionem & vitam quamdam supernaturalem accepimus; sine qua parum proderat totum id quod à parentibus carnis nostræ habemus. sed hæc virtus non distinguitur ab obseruantia supernaturali.

DVBITATIO II.

Quid sit obseruantia.

D. Thomas q. 102.

¹⁰ Quibus de- **R**espondeo. Sicut virtus pietatis desert cultum parentibus, quia sunt auctores vita & educationis, ita obseruantia omnibus Superioribus, quia sunt auctores nostræ gubernationis. quicumque enim nos aliqua in re gubernant, aliquo cultu digni sunt; & cultus eis, ratione huius eminentiæ coniuncta cum beneficio gubernationis, est debitus. Sic honor & obsequium deberunt magistro à discipulo, duci à milite, Magistratu à ciue, Principi à subdito, Abbatu à Monacho, Episcopo à Clericis, domino à seruis. in his enim omnibus est excellentia quædam & auctoritas per quam gubernant alios.

¹¹ Obiectio. **D**ices, Non solum eos, qui nos gubernant, obseruantæ cultu prosequimur, sed etiam eos qui sapientia, sanctitate, virtute, vel auctoritate sunt insignes; quamvis nullam in nos iurisdictionem habeant, aut nulla in re nos dirigant: ergo hæc virtus non respicit debitum ex gubernatione proueniens.

Respondeo negando consequentiam; quia etiæ isti actu nulla in re nos gubernant, tamen idonei sunt gubernare, ratione excellentiæ quam habent;

& idèò cultus illis debetur. Itaque obseruantia responsum extendit se primario ad eos quæ ab eo gubernantur, secundario id aptum est gubernare. Quare cùm omnis virtus ad hoc rectè disponat hominem, facit eum obseruantæ cultu dignum, vt docet Caietanus qu. 103. art. 4. quamvis debitum erga hunc hominem non sit tantum, quantum erga illum qui actu gubernat, cuiusignum est, quod si omittas cultum debitum Superiori, possis puniri per leges; secundus si cultum aliis debitum negligas; quamvis in hac omissione peccatum esse possit.

Hinc patet Primò quid sit obseruantia; est enim virtus cultum deferens Superioribus & aliis personis excellentibus, quæ nos gubernant, vel gubernare sunt idoneæ. vbi explicatur actus virtutis, & obiectum quod, & obiectum cui, & ratio obiectiva. Actus enim est, deferre cultum, id est, honorem & obsequium, quando ratio postulat. Idem cultus est obiectum quod, cùm sit opus externum virtutis, quod virtus intendit. Obiectum cui est Superior & quævis persona excellens. Ratio obiectiva in obiecto cui est excellentia, vt est principium gubernationis actu vel potestate. hinc oritur ratio obiectiva proxima, quæ cernitur in obiecto quod, nempe ratio debiti ob talem causam.

Ex quibus facile intelligi potest definitio illa, quam ex Cicerone refert D. August. libro 83. qq. q. 31. Obseruantia est per quæ homines aliqua dignitate antecellentes cultu quodam & honore dignamur.

Patet Secundo, quid inter sit pietatem, & obseruantiam: pietas enim desert cultum debitum alicui vt principio ortus & educationis; obseruantia debitum vt principio gubernationis: quæ debita sunt diuersa rationis, sicut & beneficia & causæ ex quibus oriuntur. vnde

Patet Tertiò, Pietatem esse præstantiorem obseruantia, per se loquendo; & ceteris paribus magis obligare, vt docet D. Thomas qu. 102. art. 3. quia maius magis que intimum est beneficium ortus & educationis, quam gubernationis reliqua vita, in codem ordine rerum.

Dices, Magis obligamur erga Principem, quam erga parentem: si enim utrumque esset in extrema necessitate, Princeps esset parenti in ope ferenda preferendus: atqui Princeps colitur obseruantia, parentis pietate; ergo obseruantia magis obligat quam pietas.

Respondeo, Principem esse parenti præferendum, non præcisè vt me gubernat, quo modo illi Quoniam debo obseruantiam; sed vt patriam gubernat, & Princeps commune bonum continet, qua ratione illi debetur officium pietatis, vel Iustitia legalis. Pietatis autem quidem, quia hæc est etiam ad patriæ bencuoles & benefactores: Iustitia legalis, quia bonum commune continet. Pari modo patria colitur officio pietatis, si spectetur vt principium ortus; Iustitia verò legalis, si spectetur vt quoddam totum, seu corpus politicum, cuius ego sum pars. respectus enim & debitum partis ad totum, ad Iustitiam legalem pertinet, vt suprà cap. 1. dub. 3. ex D. Thoma dictum est. Denique etiam obseruantiacoli potest patria, si consideretur præcisè vt est mihi auctor gubernationis per suas leges & statuta. potius tamen erga patriam, sicut & erga parentem dicitur esse pietas, quam obseruantia: vel quia ista

LII virtus